


বাচ্ছাগিলদর জনো বাইবেল
উপস্থিত

মানব জাতির দুঃখ
আরম্ভ



কায় নেথিসে: Edward Hughes

ব্যখ্যা কৰিচে: Byron Unger; Lazarus
Alastair Paterson

উদাহৰন দিয়া বুঝাইসে: M. Maillot; Tammy S.

ভাষা পালেট দিসে: রমেশ রাই

ছাপাইসে: Bible for Children
www.M1914.org

©2020 Bible for Children, Inc.

অনুমোতি: এ গল্পটোৰ একখন কপি তোৰঠে ৰাখিব পাৰিস বা
ছাপাকোৱা পাৰিস, কিন্তু বেচেবাৰ পাৰিস না।



ঈশ্বর তামান সৃজন করিলেক। যেলা
পথম মানষি আদমক বানাইল সেলা উয়ার
শাখি হবাক নিয়া এদন বাগানোতে থাকির
নাগিল। ভগবানের ইচ্ছাতে উমুরা দুইজনে
সুখি ছিলেক। আর উমুরালা
যেলা আনন্দে ছিলেক
সেলা একদিনোত ...





শয়তান একদিন হবাক
পুছির নাগিল, “ঈশ্বর
কি তোমরালোক তামান
গাছের ফলগিলা খাবার
বাধা দিচে?” উয়ার সেলা উওর করিলেক জে,
“হামরা তামান গাছের ফল খাবার পারি কিন্তুুক
একমাত্র গাছের ফল খাবার পারি না”। যদি

হামরা খাই অথবা হাত দিয়া
নারি তাহলে মরিয়া জামু।
শয়তান সেলা বাইরার ঢকখান
দেখেয়া কইলেক্, “কুনোদিনোত
মোরিবো না”।





তোমরালা ঈশ্বরের
নাখান হইবেন।
সেলা হবা ঐ
গাছটার ফলটা
খাবার তানে
রাজি হইলেক।
উয়ায়সেলা
শয়তানের কতাতে
খায়া নিলেক।



ভগবানের কতা না শুনিয়া হবা
আদমোক খাবার কইলেক। আদমোর
এই কতা কবার উচিত আছিল যে,
“মুই ভগবানের অবাধ্য হইম না”।
কিন্তুক আদমো হবার
কতা শুনিয়া ফল
খাইয়া নিলেক।





আদম আর

হবা অবাধ্য হয় যেলা

পাপ করিলেক সেলা উমুরা বুঝির পাইলেক

জে উমুরা নেংটা আছে। সেলা দুইজনে ডুমুর গাছর

ছাল আর পাতারি দিয়া ঘাঘড়া বানেয়া পিন্দিলেক আর

ভগবান যেলা আসিলেক সেলা ঝোপের আড়ালোত নুকাইল।



ঈশ্বৰ অন্য দিনেৰ মতন সেদিন যেনা আসিলেক, উয়ায়
সেলা যানে যে আদম আৰ হবা কি কৰিছে। আদম
হবাক দুসিচে। হবা শয়তানোত (সাপত) দুসেছে।
ভগবান কইলেক্, শয়তানোক অভিশাপ দিনু। বেঠি
ছাওয়া যেনা বাচ্ছা দিবে সেলা খুব কষ্ট পাবে।
“আদম, তোৰ পাপেৰ জন্য মাটিখান অভিশাপ
পাইলেক এজন্য মাটিত কাটা গাছ হবে।
দেহাৰ ঘাম ফেলেয়া আৰ দাৰুন কষ্ট
কৰিয়া দিনেৰ খাবাৰ
যোগাবু”।





আদম আর হবাক ঈশ্বর
এদন বাগান থাকেয়া বাইরোত
পেঠালেক। কারন উমুরা পাপ
করিছে, তাই উমুরা
জেল্ল-ভগবানের
থাকি আলাদা
হইসে।




উমারলাক বাইরোত
রাখিবার জন্য ঈস্বর একখান নাল
টকটকা ছোড়া বানাইছে। ঈস্বর
আদম আর হবার জন্য চামরার
কোঠ-জামা বানাইছে।
ভগবান কোঠে
থেকে চামরা
আনিসে?



এই সময় আদম ও হবার সংসার হইলেক। উমার ১-লা
বেটা কয়িন মালি আছিলেক। ২-রা বেটা আবেল মেষ
পালোক। একদিন কয়িন অল্প শাক্-সবজি দান মনে করিয়া
নিয়া আসিছে। আবেল একটা বাচ্ছা ভেরা
নিয়া আসছে। ঈশ্বর আবেলের দানেত
খুশী হইছে।



ঐশ্বর কয়নের দানে খুশী ছিলেক
না। কয়িন বড় গোসা হইছে কিন্তু
ঐশ্বর কইলেক যেটা ভাল সেইটা
তুই যদি করিস তাহলে কি তোর
দান নেওয়া হত না?



কয়িন বড় গোসা হয়। চলি গেইলেক।
অল্প সময় পাছত কয়িন মাঠোত
আবেললোক মারি ফেলাইসে।



ভগবান কয়নের নগদ কথা কইলেক।
“তোর ভাই আবেল কোঠেকোনা?”
কয়ন মিছাকথা কইলেক, “মুই জানো
না”। মুইকি মোর ভাইয়ের পহরা
দিবার খরিশু? ঈশ্বর কয়নোক দন্ড
দিলেক তাতে উয়ায় কাজ করির
শক্তি হারেয়া ভেলিয়া হইলেক।



কয়িন ভগবানের ঠে থাকি দুরন্তুর চলি গেলেক। উয়ার
আদম-হবার বেটিটাক বিয়াও করিল। উমুরা একটা শংশার
পাতিছে। তরিত দেখিল যে কায়েনোর
নাতিপুতি দিয়া শহরটা ভর্তি হইলেক।



এইসময় আদম আৰ হবার গোশ্টি খুব
বাড়িবার নাগছে। এ-দিন গিলাক মানিষলা
অনেকলা বছর বাঁচিয়া থাকিল।



যেলা হবার বেটা শ্বেত জন্মিলেক্, হবা কইলেক্,
“ঈশ্বর আবেলের ঐঠে শ্বেতকে দিলেক।” শ্বেত
ঈশ্বরিক লোক আছিলেক তাই ও ৯১২ বছর
বাছিলেক আর উয়ার অনেকগুলা বেটা-বেটি
হইছিলেক।



এই দুনিয়াত মানষি য়েলা বাড়িৰ নাগিল
সেলা খাৰাপ হবার ও নাগিল আৰ এক
বংশ থাকিয়া অন্য বংশ হইলেক। তামান
জন্তু-জানোয়ার আৰ পখিগিলা। ঈশ্বৰ
মানষি সৃজন কৰিয়া খুবেই দুঃখ
পাইলেক। কিন্তু এক মানষি
ঈশ্বৰোত খুশী কৰিসে।



ঐ মানষিটা ছিলেক নুহু। শ্বেতের বংশধর নুহু আছিলেক
খুব ধার্মিক আর ন্যায় পরায়ন। উয়ায় ভগবানের
সাথোত সব সময় ছিলেক। উয়ায় উয়ার তিনটা
বেটাকে ভগবানের বাধ্য হবার শিখা দিসে।
সেজ্যান্য ঈশ্বর নুহুক বিশেষ পোরিকল্পনা
করিয়া বলশালি করিয়া বিশেষ
একটা সময়ের জন্য ব্যবহার
করিবার চাইছিল।



মানব জাতির দুঃখ আরম্ভ

ভগবানোর গল্পগিলা হামরা বাইবেলোত দিখিবার পাই

আদিপুস্তক ৩-৬

“ভগবানোর কতা জ্যোতী আনে।”

গীতসংহিতা ১১৯:১৩০



সমাপ্ত



এই বাইবেলের গল্পখান হামারলাক কইচে যে হামার আশ্চর্যজনক ঈশ্বর হামাক সৃজন করিচে আর উয়ায় চাই যে হামারলা উয়াক জ্যেনো জানি।

ভগবান জানে যে হামরা সব সমায় খারাপ কাজ করি আর উয়ায় ইয়াক পাপ কইচে। পাপের শাস্তি মরন, কিন্তুক উয়ায় হামারলাই এমন ভালবাসিলেক যে উয়ার একমাত্র বেটাক- (যীশুক) এই দুনিয়াত পেঠেয়া দিচে যেন উয়ায় হামার আর যাই তোর পাপের বাদে ক্রুশত মরিলেক। কিন্তুক যীশু আবার জিবিতি হইলেক আর স্বর্গত, তার আসল বাড়িত চলি গেলেক। যদি তুই যীশুক বিশ্বাস করিস আর পাপের ক্ষমা চাইস তাহলে উয়ায় শেটা তোক দিবে। উয়ায় এলা আসিবে আর তোরঠে থাকিবে আর তুইও উয়ার নগদ চিরকাল থাকির পাবো।

যদি তুই বিশ্বাস করিস এইটা সত্য, তাহলে ঈশ্বরক তুই ক।

প্রিয় যীশু, মুই বিশ্বাস কর যে তুই ভগবান আর মানষি রূপ ধরিয়া মোর পাপের বাদে মরিল আর এলা তুই আরও ফিরিয়া আসিছিত। দয়া করিয়া মোর জীবনোত আসিয়া মোর পাপ ক্ষমা করো যাতে মুই নতুন জিবন পাই, আর এক দিন তোরঠে জাবার পারি চিরকালের জন্যে। মক সাহাজ্য কর যাদে মুই তোর বাধ্য হয় আর তোর বেটা হিসাবে বাচিবার পাও। আমেন।

প্রতিদিন বাইবেল পর আর উয়াক সথে কতা কও! যোহন ৩:১৬

